

CAPITVLVM PRIMVM

fluvius est substantivum.

fluvius, insula, oppidum, digitus, oculus, pagina, imperium, littera, capitulum, circulus, aedificium, sunt substantiva.

numerō singulārī	numerō plurālī
fluvius	fluvii
digitus	digiti
nummus	nummi
oculus	oculi
circulus	circuli

numerō singulārī	numerō plurālī
insula	insulae
pagina	paginae
puella	puellae
littera	litterae
syllaba	syllabae

numerō singulārī	numerō plurālī
oppidum	oppida
imperium	imperia
vocabulum	vocabula
aedificium	aedificia
capitulum	capitula

nota bene:

insula ... ubi? – **in** insulā
 fluvius ... ubi? – **in** fluviō
 oppidum ... ubi? – **in** oppidō

pagina ... ubi? – **in** paginā
 circulus ... ubi? **in** circulo
 aedificium ... ubi? **in** aedificiō

magnus est adiectivum masculinum singulare. (*primus; parvus; paucus; multus*...sunt adiectiva masculina, numerō singulārī)

magna est adiectivum femininum singulare. (*prima; parva; pauca; multa*...sunt adiectiva feminina, numerō singulārī)

magnum est adiectivum neutrum singulare. (*primum; parvum; paucum; multum*...sunt adiectiva neutra, numerō singulārī)

magni est adiectivum masculinum plurale. (*primi; parvi; pauci; multi*...sunt adiectiva masculina, numerō plurālī)

magnae est adiectivum femininum plurale. (*primae; parvae; paucae; multae*...sunt adiectiva feminina, numerō plurālī)

magna est adiectivum neutrum plurale. (*prima; parva; pauca; multa*...sunt adiectiva neutra, numerō plurālī)

fluvius magnus (sing.) / fluvii magni (pl.)
 ubi? ... **in** fluviō magnō (sing.)

insula magna (sing.) / insulae magnae (pl.)
 ubi? ... **in** insulā magnā (sing.)

oppidum magnum (sing.) / oppida magna (pl.)
 ubi? ... **in** oppidō magnō

CAPITVLVM PRIMVM

verbum *sum*

<i>ego</i>	sum
<i>tu</i>	es
...	est
<i>nos</i>	sumus
<i>vos</i>	estis
...	sunt

usus:

- quid **est** Danuvius?
- Danuvius **est** fluvius.
- ubi **est** Danuvius?
- Danuvius **est** in Eurōpā.
- **est**ne Danuvius fluvius parvus?
- Danuvius non **est** fluvius parvus, sed magnus.
- num Danuvius oppidum **est**?
- Danuvius non **est** oppidum, sed fluvius.
- quid **sunt** Danuvius et Rhenus?
- Danuvius et Rhenus **sunt** fluvii.
- ubi **sunt** Danuvius et Rhenus?
- Danuvius et Rhenus **sunt** in Eurōpā.
- **sunt**ne Danuvius et Rhenus fluvii parvi?
- Danuvius et Rhenus non **sunt** fluvii parvi, sed magni.
- num Danuvius et Rhenus oppida **sunt**?
- Danuvius et Rhenus non **sunt** oppida, sed fluvii.
- quot paginae **sunt** in capitulō primō?
- in capitulō primō **sunt** sex paginae.